



Ouñlor Futílar Hashormo



PUPPETalk™

Puppets to **P**lay, **P**raise, **E**ducate, and **T**alk®

Oñne oñnor fuwaindor foila ar sobse ahám ustad. Añára zaníde fuain loí hotáhowa oilde hítarar breín baçaíbar ahám torika. Uggwá ouñlor futílaye oñnore arde dusara fémlí membór ókkolore oñnor fuain loí hotáhoíte modot gore. Hána habaibar, gusol gorár, arde oñnor fuwa loí kélíbar comoí hotá hoíba. Dhaípar bodolaí oñnor fuware karor síthot raíbar comoí hotá hoo. Demag háçoíya óo ar húci goró! Fottí fuaindor alog hasíyot, hétollá nízor alog cíz camel goró ar noya hashormo neelo.

Futíla oñnor fuñáti no taíbar woktot oó, oñnor fuwa loí hotá howa jarí raíto hamicá yíad raíkkol

01

Oñnor ouñlor futílar ekkan nam do ar híbar fuñáti uggwá rokbotmon arde canti lagede awaz estemal goró.

02

Ku (hoitoror awaz), uñth loí awaz gorá, ar bekufor dhoilla awaz gorá. Nokol yá dubara awaz goríba zin oñnor fuwa goré zehon oñnor haínot fise arde age hotáhoíba.

03

Oñnor fuwar nam hoíba zehon futílare oure ar níse ar ek saídh ottú arek saídh ót laríba. Larasaráre amolot loífarefan oñnor fuware kucíc goríba. Oñnor futíla re muk zafaí di ar kúla rakí peek-a-boo kélaiíba. Oñne hoífaró: “Oñnor futíla hoçe” Eçe iíba! Gom goijjo, oñne oñnor futíla tuaí faíyo.

04

Gura fuainde norom súwa arde malic gorá fosen goré. Oñnor fuware kombol yá fluror caçar maháfuz fúainna zagat raíba. Híbar dhuñáre halka sápdí oñnor ouñlor mazkane gúraíba. Híbar theng ór mikka nísor dike ham goro zeçe oñne híbar tolat gul cinífaríba. Oñnor fuwa loí hotá hoo, híbare hoíbade híba cundor ar jisímor muktalíf híssar nam hoíba. Híbar theng ór ouñl loí kélaiíba ar **This Little Piggy Went to Market** ceér camel goríba.

05

Kitab arde megezín ór fothú ókkolor mikka saíba. Oñne zin dehor hínor nam hoíba ar boíyan diba. Oñnor fuwa khásgori halá arde cada, forickar rong, arde nokka ókkol saíto fosen goritfare.

06

Góror aspas ót háço ar talac goró. Oñne tuaífode hendhilla muktalíf cíz ókkolor nam loíba ar hotá hoo. Rong, nombór, saíz, sheíp, ar cékol ókkolor boíyan do.

07

Muktalíf ehésasi kuwot estemal gori **baáror cíz ókkol talac goró**. Oñnor fuware kér, fata, gasor sál, arde dusara cíz ókkol sa, suwá ar fuñwá boo. Batac ehésas goró, faíkor awaz funó, ar ful ókkol fuñwo. Oñnor fuwar talac arde buzar woktot oñnor futílare é cízgin boíyan díyabo.

08

Ásan kitab ókkol foró. Cíz ókkolor nam hoíba ar **fothú** ókkolor rong, sheíp, ar dusara tofsilor boíyan do.

09

Gana goó ar **ceér** hoo meesal hísafe *Twinkle Twinkle Little Star*, *Old MacDonald Had a Farm*, the *Hokey-Pokey*, ar endhilla aro boot ase! Oñnottú oñnor bacponi oíte honó fosonor gana asene? Oñnor futílare oñnor fuwar feçot aste gori tuká diyábo ar ganot dhúlabo zene oñnor fuwa canti fade gana ehésas gore.

10

Feçor oure raíbar comoí oilde oñnor fuwalla matar konthrol faíto ekkan ahám torika. Maháfuz arde fuwan zagat, fuware tar feçor oure rakó. Futíla estemal goró zene oñnor fuware **noya kelóna talac goítte ar aína saíto modot gore**. Oñnor fuwar saírpáce futíla lorasorá goró zene híbar mata laitto ar futíla tuaífaíto rokbot de.